



REY DI TUMBA CHICHO KOCK

-Burachi ta conta-

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO

DI ARUBA

Bo Matutino
Netamente Arubiano

DIASABRA 2 DI FEBRUARI 1985

AÑA 4, No. 1245

Den telex manda pa Minsitro de Koning

PDA TA EXIGI PA ADELANTA FECHA DI ELECCION

ORANJESTAD(AAN)—Den un telex cu a ser manda ayera pa Ministro di Asuntunan Antillano, Jan de Koning, Partido Democratico Arubano a referi na su carta di Augustus aña pasa durante e bishita di e Ministro Hulandes na Antillas. Atrobe a haci un peticion urgente pa reuni cu e Ministro durante su proximo bishita na Antillas.

PDA ta propone pa durante e reunion aki papia encuanto eleccion pa Staten, relaciona cu Status Aparte di Aruba, y cual eleccionnan mester ser adelanta.

Tambe mester papia di un Gobernador interino, garantia di Gobierno Hulandes en conexcion cu realizacion di Status Aparte dia Promer di Januari 1986, y ayudo na Aruba a base di articulo 36 y 37 di Statuut.

BABY DI DOS AÑA A HOGA DEN POZ

ORANJESTAD(AAN)—Un accidente lamentable a tuma lugar antayera ora un baby di apenas dos aña a perde su bida hoga den un poz.

Informenan ricibi ta indica cu polis a ricibi e informe di hospital cu un homber di inicial F.D.K. a presenta na hospital cu un baby, cu ya no tabata duna señal di bida.

Dokternan Bryson y Kennedu a constata cu e baby mester a hoga mey hora promer cu el a ser hiba hospital.

Recherche a ser poni na altura di e caso y a presenta na hospital, caminda a tuma lugar conversacion cu e tata F.D.K. kende a bisa cu el a yega cas despues di trabao y a sinti falta di su yiu.

El a encontra e mucha na un distancia di 150 metro for di e cas, na un cas den construccion, caminda tabata tin un poz di tres metro hundo y dos metro hanchu.

E criatura tabata drief cara abao den e poz. Tabata tin indicacion cu e tabata hunga den e poz ya cu a encontra 7 botter bashi y un pida maderu. Aparentemente el a hunga cu nan promer cu el a cay den e poz cu tabata yena cu awa y a hoga.

E victima ta Soren Dairon Kelly, naci dia 25 di October 1982. DIARIO ta extende palabranan di pesame na e familiares di e criatura.



Den compania di un grupo di invitados, cu por a aprecia nan operacionnan, De Palm Tours ayera a recorda su 25 aña di existencia. Ariba e foto por aprecia señor Malmberg, gerente di e compania, den presencia di Gezaghbeber Bislip y Diputado Croes. Pa mas detayes, leza edicion di awe.